

Pour frere Estienne Liquet Religieux profex en l'Abbaye de Bellefontaine, ordre de S. Benoist & Prieur du prieuré de S. Pierr de Perignac.

Contre Monsieur de Pontac, M. Pierre Maleuile, frere Adam Lambert, Maistre Guillaume Poegnant, Maistre Iehan Binet M. Pierre de Laburthe Archiprestre de Cucanone & frere Iehan Guillonnet pretendans droit & audict Prieuré.

LE faict est qu'en l'an 1589, le sieur Euesque de Bazas resigna à feu Maistre Iehan de Pontac son nepueu, ledict Prieuré de Perignac, duquel il auoit jouy depuis l'an 1577. apres laquelle resignation qui fut adiugé en Cour de Rome & demeure iesuuee, ledict de Pontac le 23. Mars 1590. bailla procuration à Maistre André Ialaix seruiteur domestique dudit sieur Euesque, pour prendre possession dudit Prieuré, ce quil fist en vertu du pouuoir à luy donné; de telle sorte que le 21. Feburier 1591. il passa vne autre procuration à M. Charles Breteau seruiteur domestique dudit sieur Euesque d'affirmer les fruitz d'iceluy prieuré, comme il fist pout le temps de cinq aens. Or Iehan de Pontac ayant esté triennal possesseur sans auoir esté troublé, il seroit decédé au commencement de l'an 1572. au moiens de quoy deffunct frere Leonard Guillonnet en fust pourueu, si bié quil en praint possession & en consequence de ce il bailla à ferme ledict prieuré à vn nommé Guion Robin, A la verité depuis la prouision & prinze de possession dudit Guillonnet, il y auoit eü quelque poursuittes qui furent renuoyees au grand Conseil, ou par Arrest du 27. Iuillet 1595. ledit Sieur Euesque fut maintenu, mais Guillonnet en estant aduertý, il auroit obtenu lettres en forme de requeste Ciuille pour le faire casser, ce qu'estant redoubté par ledict Sieur Euesque, il se feroit inscrire en faulx contre la cede & grosse de la procuration *ad resignandum* par luy faicte en faueur de son nepueu, bailla ses moiens de faux, mesme il auroit esté interrogé, & faict vne pretendue enqueste en consequence? mais le Conseil sans s'arrester à ladicte inscription, moiens de faux, ny enqueste, auroit enterriné ladicte requeste Ciuille & en ce faisant cassé ledict Arrest de maintenue par autres Arrest du 21. Aoust 1597. & ordonné queles fruitz seroient sequestrés.

Depuis Guillonnet auroit le douziésme, Decembre 1601. resigné entre les mains de la Sainteté ledict prieuré en faueur dudit Liquet, laquelle resignation ayant esté aduisé en Cour de Rome, il auroit prins possession dudit prieuré suiuant & au desir de l'ordonnance, & à l'instant, ou quoy que seroit quelque temps apres presente requeste au Conseil affin d'interuenir au proces qui y estoit pendant pour raison d'icelluy prieuré & tant procedé que par Arrest il fust receu partye & subrogé, au lieu & place dudit Guillonnet, mesme fut ordonné quil procederoit avec ledict Sieur Euesque suiuant les derniers erremés.

Audict proces vn nommé Rolland à l'induction dudit Euesque autoit presenté requeste affin d'interuenir; mais par Arrest du 16. Nouembre 1601. ila esté debouté de ladicte requeste, depuis ledict Maleuile & en l'an 1602 se faict recevoir partye au proces, comme deuolutaire, mais arriue le decés dudit Sieur Euesque qui fut le fixiesme Feburier 1605. Maistre Loys Borie se dict son resignataire: da sorte que pensant auoir quelque droit il resigna ledict prieuré à Maistre Iehan Ranciat, au lieu & place duquel est ledict Sieur de Pontac, qui est ausli receu partye interuenante.



Le vij. Mars de ladicte année 1605. ledit Lambert se fait pourvoir par l'Abbé de S. Iehan d'Angely, & en suite de ce ayant prius possession dudict prieuré, il est pareillement receu partye.

En la mesme année 1905. & le xx. Iuin, le Sieur de Feuillas en vertu de son Indult nommé audict prieuré ledict Pontac.

Ledit Binet vn des douze Vicaires de Monsieur le Cardinal de Sordis se fait pourvoir en Cour de Rome par la mort du Sieur Euesque le 5. dudit mois de Iuin de ladicte année 1605. & prend possession le 6. Nouembre ensuiuant, & voyant que ceste possession luy estoit inutile, il en obtient vne autre de nouuelle commande le 4. Apurtl 1611. tant par la mort de Pontac, duquel il a laissé le nom en blanc pour plus facilement l'adapter, soit au décès dudict Iehan de Pontac, ou de celuy de l'Euesque son oncle, & encor pour l'incapacité de toutes les parties.

Ledit de Burthe est pourueu par deuolu de l'an 1610.

Ledit frere Jean Guillónet se fait pourvoir aussi par deuolu le 5. Nouëbre 1611. voyla toutes les parties qui sont en cause, & qui pretendent tous droit audit prieuré, mais cest en vain ? car il n'y en a pas vn qui en soit capable que Liquez. Et pour le voir il est certain par tout le proces que ledit Sieur Euesque de Bazas resigna en ladicte année 1589. le Prieuré contentieux audit de Pontac son nepueu qui en auroit esté paisible & triennal possesseur. Vaicy comment *statin atque*, ou quoy que soit peu de temps apres que ladicte procuracion fust admise en Cour de Rome, ledict Iehan de Pontac constitua son procureur Maistre André Iallais seruiteur domestique dudit Euesque pour prendre possession dudict prieuré, dou resulte que si ladicte prapuration n'eust pas esté veritable & si son oncle n'enst pas entendu qu'elle eust fortý à effet ? il n'eust point fait option de la personne dudit Ialais, au contraire il en eust choisi vn autre assí qu'on ne peut dire que sondit oncle n'auoit point consentý à ladicte resignation & prinse de possession.

Secundo. Tant les prouisions, que prinse de possession dudict Iehan de Pontac ont esté insinues au desir de l'ordonnance par Iehan Darman domestique & Secretaire dudit Sieur Euesque qui est vn aultre tesmoinage pour monstrier la verité de ladicte procuracion, & pour iustifier qv'il ne l'a faicte à autre dessein, que pour rendre possesseur sondit nepueu dudict prieuré, comme il a esté.

Tertio. Ledit Iehan de Pontac passa vne pocuration à Charles Breteau aussi Seruiteur domestique dudit Sieur Euesque pour affermer les fructz dudict prieuré à vn nommé Anthoine Iehan, ce que ledict Iehan auroit fait, & par tant on ne peut doubter de la iouissance en laquelle icelluy Iehan de Pontac a esté; car de dire que le bail fait par ledict Anthoine Iehan, a esté reuocqué, celan'est point (sauf vostre respect) pour ce quil faudroit que la reuocation fust faicte par ledict Iehan de Pontac, ou par Procureur ayant de luy pouuoir expres, & avec semblable sollemnité que ledit bail a esté fait *quia nihil tam naturale est quam loquem vnumquodque dissolui, quod ligatum est l. nihil tam naturale ff. de regul. Iur. co. 1. de regul. Iur.*

Quarto Iehan de Pontac en l'an 1591. presenta requeste en qualité de prieur de Perignac au parlement de Bordeaux, ou son oncle auoit grand nombre de parentz & amys, afin que deffences fussent faictes à toutes personnes de le troubler en la iouissance dudict prieuré, & qu'il luy fust permis d'informer contre les contreueuans, ce qui luy fut octroyé.

Quinto En ladicte année 1591. ledict Iehan de Pontac presenta autre requeste comme prieur dudict Perignac au Siege de Xaintes afin quil luy fust permis de faire vn bail iudiciaire des fructz dudict prieuré pour paier la taxe à laquelle ledict prieur auoit esté imposé pour l'adiudication du temporel.

Sexto. le Sieur Euesque de Bazas desirant que ledict prieuré ne fust point hors sa maison, fit preudre vn deuolut par vn uommé Maistre Thomas Langlade son domestique sur son nepueu en cas que sondit nepueu vint à deceder, de sorte que ledict Dangelade en suite do son deuolut fist prendre possession dudit prieuré par ledict Darman qui estoit ausi seruiteur domestique dudit Sieur Euesque le quel deuolut ne se pouuoit obtenir, ny ladicte possession prendre que ledict Sieur Euesque ne le feust, puis que le deuolutaire & ledict Darman son procureur estoient ses seruiteurs domestiques; par consequant il est vray de dire quil auoit faict ladite premiere procuration pour la faire reussir au profit de son neueu sur lequel d'ailleurs il n'eust pas faict prendre vn deuolut s'il n'eust esté pourueu dudit prieuré.

Septimo Rouillet Notaire Apostolique qui receut ladicte procuration pour resigner en faueur dudit Iean de Poutac, estoit seruiteur domestique dudit Sieur Euesque, que ledict Rouillet estant decedé ses resignations & papiers demourerent entre les mains dudit Breteau seruiteur domestique, Comme dit est dudit Sieur Euesque & Exeuteur testamentaire dudit Sieur Rouillet; & ainsi on peut indubitablement dire, comme il est vray que ledict Sieur Euesque se saisit de la minutte originale de ladicte procuration.

Octauo Les lettres Mishues escrites par ledict Sieur Euesque audit Darman font voir clairement la verité de ladicte procuration, car par icelles il luy escrit d'aider à son neueu, ou quoy que soit ledict Dangelade pour sondit nepueu, à prendre possession du prieuré de Perignac quil luy a resigné la foy desquelles Lettres ne peut estre reuocquee en doubte pour ce quelles ont esté recogneues par ledict Darman, nouobstant l'empeschement formé par iceluy Sieur Euesque.

Nono. le mesme iour que ledict Rouillet passa ladicte procuration pour resigner en faueur dudit Maistre Iean de Pontac, il en auroit passé vne autre pour le prieuré de Mons de laquelle on ne se plain point; & sic on voit quil ny peut auoir aucune fausseté en la premiere, nou plus qu'en la seconde.

Decimo. Tosin Banquier de Bordeaux fut chargé dicelle procuration *ad resignandum* pour enuoyer à Rome par ledict Sieur Euesque, & depuis condamné par corps à represente son registre, ce quil na voulu faire; pour ce quil estoit gaigné des parties aduerses dudit Liquet pour empescher que la verité de ladicte procuration ne fut recogneue.

Vndecimo Le parenté qui estoit entre ledict Sieur Euesque de Bazas & son Neuen iustifie que ladicte procuration estoit veritable. Ausi l'amitié & la grande affection qu'iceluy Sieur Euesque luy portoit, l'ayant veu entierement porté à embrasser l'ordre Ecclesiastique, luy fit faire ladicte procuration.

Tous ces moyens richemens iustificiés au proces, tesmoignent qu'icelle procuration ne peut estre faulse, & font voir au doigt & à l'œil que ledict Liquet doit estre seul maintenu

Il y a plus, c'est qu'en Canon *ordinatij. c. 11. de recipi lib. 6.* on demande si *quis possedit pacifice beneficium biennio cum titulo Incolorato, in tertio anno superuenit titulus coloratus, si post triennium possit imputari vry possessor.* Les vns ont soustenu que ouy; pour ce que la possession n'a commencé que du iour du titre coloré, *argum. l. certe ff. de preeur.* les autres ont dict que non, comme ausi il est vray, *quia ex quo possidenti superuenit titulus coloratus non requiritur alia possessio,* ainsi quil est décidé en la pragmatique *Sanctio tit. de pacific. possess. in verbo queretur ab initio* il y a encor vne autre raison pour laquelle on doit compter du iour de la possession & non du titre colloré c'est que de luyre canonico *totum tempus vsu scriptionis spectatur, non autem luyre civili. 16. 9. 3. & 9. 4. C. illud. C. Vigilanti. C. si diligenti de prescript. vbi doctores huiusmodi possessorj en colorato cui superuenit titulus coloratus non requiritur alia possessio* Je dis donc que

ledict liquet est en plus fortz termes; car il n'a pas seulement vn titre coloré, mais vn legitime & veritable qui est suiuy d'une triennale & paisible possession; pour ce quil a le droit dudit feu Leonard guillonnet qui estoit au lieu & place dudit Maistre Jean de Pontac dernier paisible & triennal possesseur.

Le Sieur de Pontac dit que ces moiens ont esté couuertz par Arrestz de maintenue donné au profit dudit Sieur Euesque de Bazas, mais il ne veut pas dire que ledict Arrest a esté cassé nonobstant l'inscription en faux par luy formée.

Contre la cede & grosse de ladite procuracion, moiens de faux par luy baillez en lenqueste par luy faite; au moyen de quoy les droicts des parties sont tellement en leur entier, qu'elles peuuent se seruir desdits moyens, voire de plusieurs autres, si aucunes ont esté obmis pour la defence de leur cause.

Ledit sieur de Pontac a bien reconnu que ceste obiection estoit sans fondemens: car tout aussi tost il s'est aduisé de dire qu'il y auoit de la confidence entre le sieur de Fontaines. Chalandray & ledit feu Guillonnet. Ce qui est du tout impertinent (sauf vostre respec) car toute la preuue qu'il apporte ne consiste qu'en la lecture de quelques lettres missiues, dont celles du 26. May 1595. & premier Auiil 1598. sont fausses; Celles du huietiesme Septembre 1661. supposee, & les autres tesmoignent seulement comme ledit sieur de Fontaines, qui fait ordinairement plaisir à ses amis, promettoit audit Guillonnet de solliciter pour luy, & d'employer pour son procès de Perignac ses amis.

Cæterum, quand il y auroit confidence (que non) elle seroit esteinte par le decés dudit Guillonnet, de telle sorte qu'on n'est plus receuable de l'alleguer; *extincta enim persona extinguitur crimen*. Et cela est tellement veritable que la Cour de parlement de Paris, le iugeail y a tantost deux ans au profit d'un nommé Gibrac, contre maistre Ieau Cotel de la ville de saint Fleur en Auvergne.

Pour le regard de la lettre du huietiesme Septembre 1661. qu'on suppose auoir esté escripte par ledit feu Guillonnet audit sieur Desfontaines. Le Conseil prendra (s'il luy plaist) qu'elle ne peut nuire à Liquet quand elle tesmogneroit vne confidence (que non) *primò*. Iceluy Guillonnet ne peut estre blasmé de confidence apres sa mort (ainsi que dit est) *Secundò*, c'est vn acte fait par vne tierce personne qui ne peut nuire à Liquet, suiuant la maxime ordinaire, *res inter alios acta* rapportee en la loy *sape constitutum. ff. de re iud. Tertio*, il n'est pas croyable que ledit sieur Desfontaines, qui est celuy qui seul pourroit auoir ladite lettre, l'ait baillee audit sieur de Pontac, pour le conuaincre de confidence. *Quand*, il y a grande apparence que ladite lettre soit fausse, veu que le seing dudit feu Guillonnet, qu'on dit l'auoir signee, n'est point semblable à ceux qu'il a coustume faire. *Primò*, il fait tousiours vn parafé apres son seing, & icy il n'y en a point, *Secundò*, il met ordinairement vn point sur la lettre I. & icy ceste particularité défaut. *Tertio*, les Caracteres ne sont pas si bien formez que ceux qu'il fait. Il y a plus, c'est que le sieur de Pontac n'estant que resignataire, il n'est pas receuable d'alleguer aucune confidence; car s'il est vray que le benefice contentieux ait vacqué par la mort de l'Euesque de Bazas, sa pretendue confidence est inutile; pource qu'il sera maintenu en ce cas; si au contraire il est iugé, comme il n'y a point de doute, qu'il a vacqué par la mort dudit Jean de Pontac, il n'y peut rien pretendre, ores que ladite pretendue confidence fut verifiée (que non) pource qu'il n'est point deuolutaire, à qui seul vne confidence appartient d'estre proposée; partant il est vray de dire qu'il est mal fondé en ses conclusions.

Addé que quand tout ce que ledit sieur de Pontac dit seroit veritable (que non) il ne pourroit rien pretendre au benefice contentieux; car ledit sieur Euesque de Bazas estant decedé le sixiesme Februrier 1605. & la prouision dudit borie au lieu & place duquel est ledit Ranciar,

& ledit fleur de Pontac, au lieu dudit Ranciat, n'estant admise en Cour de Rome, que le septiesme de Mars de ladite annee 1605. vn mois apres la mort dudit fleur Euesque, il n'y a point de doute que ledit benefice appartiendroit audit Lambert qui est premier, pourueu que borie, & non à luy.

Quant à Maleuile il n'a point de Titre ny capacite valable, & quand il en auroit (que non) il n'est point religieux, & partant incapable d'impetrer & tenir ledit Benefice, ainsi qu'il sera tantost iustificié.

Pource qui concerne Binet, il a obtenu vn deuolut pour l'incapacite de Liquet. Mais il ne s'en trouuera point en sa personne, comme sera par cy apres monstré, lors que ledit Liguet fera voir que Binet ne peut rien auoir audit prieuré.

Quant audit Poignant, il ne peut non plus rien pretendre audit Prieuré; car il est notoire à vn chacun, que le Dimenche Gras de l'annee 1610. il fit profession de la religion pretendue reformee au vilage de Charanton.

Pour le regard dudit Binet, il est seculier, *vt ita* incapable de tenir le prieuré contentieux qui est regulier §. *volumus de collationib. in concord. facit. c. cum de beneficio. de prebend. in 6. plenē felinus. in cap. in nostra correlat. ult. de rescript. & de Selua in tract. de beneficio. 3. parte q. 58.* Bref tous les Docteurs tiennent sur ledit §. *volumus*, qu'un seculier ne peut tenir vn benefice regulier. *Et e contra*, suiuant la regle ordinaire *seculares secularia, & religiosi regularia beneficia ecclesiastica obtinere possunt.*

La seconde raison contre Binet, est que sa prouision impetree par la mort dudit fleur Euesque de Basas ne peut rien seruir; car long temps auparauant son decés, il auoit resigné en faueur dudit Jean Depontac son Neveu, qui en auroit pareillement iouy l'espace de trois ans comme luy mesme iustifie par sa production.

Quant à la seconde prouision qui est du quatriesme Auiil 1611. & qu'il dit auoir obtenue; tant par la Mort dudit Depontac, que par celle de son oncle, & encor par l'incapacite de toutes les parties, le conseil considera (s'il luy plaist) qu'il à industrieusement obmis, de mettre le nom dudit Depontac pour pouruoir plus facilement appliquer sadite prouision au decés, soit de l'oncle, soit de Neveu, qui est vne nullité perpetuelle. D'ailleurs si ledit Jean Depontac estoit le Titulaire dudit benefice, comme il n'y a point de doute, & qu'il ait vacqué par sa mort, il faut que ledit Binet confesse que frere Leonard Guillonnet, qui en fut pourueu par le decés dudit Depontac en estoit bien pourueu, & que son titre estoit bon & valable. Or ledit Guillonnet s'est desmis dudit benefice long temps auparauant qu'icelle Binet eust obtenu son deuolut; par consequent il n'y peut rien pretendre; car de s'imaginer que Liguet est incapable, cela n'est point (sous correction.) Et pour le voir en particulier, il y a veritablement cinq informations contre luy, dont trois se trouuent faites deuant sa prouision, & l'autre apres; ces premieres n'ont deu estre exprimees; pource qu'il y a deux sentences par lesquelles ledit Liguet est puny. La premiere est au profit de René Piveau; pour luy auoir ietté des clefs au visage, lors qu'il ne faisoit pas son deuoir de chanter dans le cœnr. La seconde est au profit de Pierre Liguet son cousin pour luy auoir prins vne Boete, & pour auoir voulu (dit on) tanter à la pudicité de sa seruante, quant à la troiesme qui estoit sous le nom d'Anceleine Solomon, c'estoit vne pure imposture; pource qu'il n'a iamais entendu estre partie cōtre ledit Liguet, aussi ne la il onques battu; c'est pourquoy ledit Salomō à declaré que c'estoit vn nommé Morueau, comme il apert au procès en la derniere production dudit Liguet.

Pour les deux autres, elles ne nuisent point; pour autant qu'en premier il n'y a nulle sentē-

ce ny iugement de condamnation. *Secundo*, celle qui est faite sous le nom du procureur fiscal, de la Baronnie de Montaigne, a esté par luy desaduouee. Et quand audit Trebouilles, il y a arrest donné au parlement de Paris, qui montre l'innocence dudit Liquet.

Binet adiousté que les prouisions de Liquet sont obreptices; pour n'y auoir expression de la chanterrie & sacristie de belle fontaine, ce qui est impertinent (sauf vostre respect) car il auoit resigné ladite chanterrie long temps auparauant sa prouision à frere Maturin Tareau, cumme aussi il resigna la sacristie à vn nommé Talandeau qui depuis en a iouy; tellement que de se vouloit preualoir de ses prouisions pour dire qu'il est Secretain, il n'y a apparence quelconque, veu que lesdites prouisions n'ont iamais sorty à effet. Et cela est si veritable, qu'il y a vn contract prodnit au procès; où ledit Taladeau prend la qualité de Secretain, ioinct qu'en la pretendue information qu'a fait faire Binet contre ledit Liquet par le promoteur de Malesay, il a fait ouyr ledit talandeau qui y prend la qualité de Seretain; d'ou resulte qu'il n'y a point d'incapacité en la personne dudit Liquet, ny aucune obreption, ny subreption en ses prouisions, & partant il est vray de dire que ledit frere Iean Guillonnet qui est de nouveau interuenu ny peut rien pretendre en vertu de son deuolut; ny moins ledit de la Burthe; pour n'estre religieux, & pourueu apres ledit Liquet.



